

Morning Dogri (NSD) Bulletin 10-04-2024

आकाशवाणी

- लोकसभा चुनांस दे पैहले ते दुए गेड़ लेई मुख भरै च चुनांस प्रचार जोरें-शोरें जारी, सब्बे पार्टियां अपने बड़ो-बड़ो नेताएं ते स्टाेर प्रचारकें राएं मतदाताएं तगर पुज्जा करदे न।
- राष्ट्रपति द्रौपदी मुर्मू होर अज्ज नर्मी दिल्ली च विश्व होम्योपैथी दिवस पर द'ऊं दिनें दे होम्योपैथी सिम्पोजियम दी शुरूआत करडन।
- छत्तीसगढ़ च कल चिरें रातीं पेश आए दे इक बस हादसे च त्र'ऊं महिलाएं सने 12एं जनें दी मौत, 15 घायल।
- दक्खन कोरिया च नर्मी संसद लेई मतदान चलै करदा ऐ।
- मोंटें कार्लो मास्टर्स टेनिस टूर्नामेंट च अज्ज मर्दे दे ाबल्स मकाबले च रोहन बोपन्ना ते मैथ्यू एबेन दी जोड़ी दा मकाबला क्रोएशिया दे मेट पाविक ते अल साल्वाडोर दे मार्सेलो एरेवलो कन्ने होग।
- आई.पी.एल च अज्ज जयपुर च राजस्थान रायल्स दा मुकाबला गुजरात टाइटन्स कन्ने होग, सनराइजर्स हैदराबाद नै कल चंीगढ़ च पंजाब किंग्स गी द'ऊं रन्ज कन्ने हराया।

<><><><><><>

PM-Rally

लोकसभा चुनांस दे पैहले ते दुए गेड़ लेई मुख भरै च चुनांस प्रचार जोरें पर ऐ। सब्बै पार्टिएं अपने बड़ो-बड़ो नेताएं ते स्टार प्रचारकें राएं मतदाताएं तगर पुज्जिये उनेंगी अपने हक्कै च करने दी कोश्ट करा करदे न। केई नेता रो शे करिए केई रैलियां ते केई सारे घर-घर जाइए बी लोकें गी प्रभावित करने च लग्गे दे'न। प्रधानमंत्री ते बीजेपी दे सीनिरय लीर नरेंद्र मोदी होर अज्ज शामी लै महाराष्ट्र दे नागपुर जिले च रामटेक प्रखंड दे कन्हन च इक जनसभा गी संबोधित करडन ते महायुति दे मेदवारें लेई चुनांस प्रचार करडन। रामटेक लोकसभा हल्के थमां शिवसेना शिंदे गुट दे मेदवार राजू पर्वे पैहली बारी चुनांस लड़ै करदे न जिसलै कि केंद्री मंत्री नितिन गंकरि नागपुर सीट थमां पैहली बारी चुनांस मैदान च न। रामटेक लोकसभा सीट पर कांग्रेस दे श्याम बर्वे चुनांस लड़ा करदे न ते प्रकाश अंबेकर हुंदे नेतृत्व आली वंचित बहुजन अघाड़ी नै उनेंगी समर्थन देने दी घोषणा कीती ऐ। तोआई बहुजन समाज पार्टी नै नागपुर थमां योगेश लांजेवार औरा रामटेक थमां संदीप मेश्राम गी टिकट दित्ता ऐ। नागपुर लोकसभा सीट पर 26 मेदवार चुनांस लड़ा करदे न ते रामटेक च कुल 28 मेदवार चुनांस मदान च न।

<><><><><><><><>

Congress List

कांग्रेस नै आंध्र प्रदेश च औंदे लोकसभा ते विधानसभा चुनांस लेई अपने मेदवारें दी लिस्ट जारी करी दिती ऐ।

पार्टी नै विशाखापत्नम थमां पुलुसु सत्यनारायण रेड्डी ते तिरूपति लोकसभा सीट थमां डॉ. चिंतामोहन गी चुनांस मैदान च तोआरेआ ऐ। पार्टी नै आंध्र प्रदेश विधानसभा लेई 12 ते लोकसभा लेई 6 मेदवारें दी लिस्ट जारी कीती ऐ।

<><><><><><>

Amit Shah Bihar

भारती जनता पार्टी दे सीनियर नेता ते केंद्री गृह मंत्री अमित शाह होर अज्ज बिहार च गया दे गुरारू च इक जनसभा गी संबोधित करडन। ओह अज्ज दपैहरी मगरा बीजेपी दे मेदवार सुशील कुमार सिंह हुंदे समर्थन च प्रचार करडन जेड़े औरंगाबाद संसदीय सीट पर चुनांस लड़ा करदे न। लोकसभा चुनांस दी घोषणा दे बाद बिहार च अमित शाह हुंदी एह पैहली चुनांस रैली होग।

<><><><><><>

President

राष्ट्रपति द्रोपदी मुर्मू होर अज्ज नर्मी दिल्ली दे द्वारका च यशोभूमि सम्मेलन केंद्र च विश्व होम्योपैथी ध्याड़े दे मौके पर 2 ध्याड़े दी होम्योपैथी संगोष्ठी दा उद्घाटन करडन। संगोष्ठी दा आयोजन आयुष मंत्रालय तहत केंद्री होम्योपैथी अनुसंधान परिषद करा रदी ऐ। एहदा विषय ऐ अनुसंधान ते कार्यदक्षता च इजाफा।

इस आयोजन का मकसद पूरे पराते सेहत ते आरोग्य, होम्योपैथी शोध च मती नमी तकनीक दे इस्तेमाल गी बढ़ावा देना ऐ। इस वैज्ञानिक संगोष्ठी च महामारी, जन सेहत, होम्योपैथी दवाइयें दे मानक जनेय विषय पर सत्र होडन।

<><><><><><>

Chhatisgarh-Mishap

छत्तीसगढ़ च 3 महिलाएं सने 12 लोकें दी इक बस दुर्घटना च मौत होई गई ऐ ते 15 लोक घायल होए न। एह घटना कल चिरें रातीं पेश आई। 10 घायलें दी स्थिति गंभीर दस्सी गई ऐ। जानकारी मताबक दुर्ग जिले दे कुम्हारी क्षेत्र दी इक निजी कंपनी दे कर्मचारी जिस्सलै बस पर बेइये घर वापस आ'रदे हे, बस चालक दा स्टीयरिंग परा नियंत्रण नेई रौहने करी बस खपरी गां कोल मुरुम खान च जाई पेई। छत्तीसगढ़ दे मुखमंत्री विष्णु देओ साई होरें इस घटना पर गहरा दुख जाहिर कीता ऐ ते अधिकारिएं गी निर्देश दित्ते न जे घायलें दी हर तरीके दी सहायता कीती जाए। दुर्ग दे कलेक्टर नै इस घटना दी न्यायिक जांच दे आदेश दित्ते न।

<><><><><><>

South-Korea

दक्खन कोरिया नै नर्मी संसद दे सदस्ये दे चुनाव आस्तै मतदान चला'रदा ऐ।
उत्थे तकरीबन 4 करोड़ 40 लक्ख लोग 300 सदस्ये आली राष्ट्री संसद दे
सदस्ये दे चुनांस दे नतीजे कन्ने युन सुक इयोल दे राष्ट्रपति दे तौर पर
कार्यकाल दे औने आले बरें दी रूप-रेखा तय होग। 2022 च युन सुक इयोल
होरें लोकतांत्रिक दल दे नेता ली जाय म्युंग गी सिर्फ 0-7 फीसद वोटें कन्ने
हराइये राष्ट्रपति पद चुनांस जितेया हा। दक्खन कोरिया च राष्ट्रपति प्रणाली
बेहद शक्तिशाली ऐ जदके संसद दी ते कुसा बी विधेयक गी पारित करने या
औदे पर रोक लाने दे सरबंध च संतुलन बनाए रखने दी बवस्था ऐ।

<><><><><><>

Rohan Tennis

मोंटे कार्लो मास्टर्स टेनिस टूर्नामेंट च अज्ज शामी मर्दे दे ँबल्स श्रेणी दे
मकाबले दे प्रि-क्वार्टर फाइनल च दुनिया दे नंबर इक खऱारी भारत दे रोहन
बोपन्ना ते आस्ट्रेलिया दे मैथ्यू एबऱोन दी जोड़ी दा मकाबला क्रोएशिया दे मेट
पाविक ते अल साल्वाऱोर दे मार्सेलो एरेवलो कन्ने होग। मैच भारती समें दे
मताबक शामी लै 5 बज्जिये 10एं मँटें पर शुरू होग। तोआई मर्दे दे इक्कले-
इक्कले यानि सिंगल्स मुकाबले च अज्ज सुमित नागल ते ँनमार्क दे होल्गर
रूने दुए दौर च आमने-सामने होडन।

<><><><><><>

NTA-Clarification

राश्ट्रीय परीक्षा एजेंसी एन.टी.ए नै साफ कीता ऐ जे उनें ऐसा कोई निर्देश जारी नैई कीता ऐ कि जेहड़े विद्यार्थी आम चुनाव च वोट पांदे न ते अपनी ऑगलिंग पर सेयाही लोआंदे न, उनेंगी मतेयान हाल च दाखल होने सवां रोकेया नैई जाग। एजेंसी नै आखेआ ऐ जे इक सोशल मीडिया पर इस सरबंथै च चलै करदा प्रचार मैसेज पूरी चाल्ली बेबुनियाद ऐ ते उन्नै ऐसा कोई निर्देश जारी नैई कीते दा ऐ। एजेंसी नै विद्यार्थिं गी आखेआ ऐ जे ओह इस चाल्ली दिएं अफवाई पर ध्यान नैई देन ते अपनी पढ़ाई पर ध्यान देन।

<><><><><><>

Govt. Hydrogen Mission

सरकार नै नेशनल ग्रीन हाइड्रोजन मिशन तैहत अनुसंधान ते विकास सरबंथी प्रस्ताव जमा करोआने दी अखीरी तरीक बधाइए 27 अप्रैल कीती ऐ। एहदे कोला पैहले प्रस्ताव जमा करोआने दी तरीक 12 अप्रैल ही। नेशनल ग्रीन हाइड्रोजन मिशन पिछले बरे जनवरी च शुरू कीता गेआ हा जेदे तैहत वित्तीय बरे 2029-30 तोड़ी 19 जहार 744 रपे खर्च कीते जाडन। नमीं ते परतिए इस्तेमाल होने आली उर्जा सरबंथी मंत्रालय नै आखेआ ऐ जे मते हितधारकें दी गुजारिश बाद अखीरी तरीक बधाई गई ऐ।

अनुसंधान ते विकास स्कीम तहत ग्रीन हाइड्रोजन दा उत्पादन, रख-रखाव, ढोआई ते इस्तेमाल गी मता किफायती बनाया जाग।

<><><><><><>

Bihar-Death

बिहार दे रोहतास जिले दे इब्राहिमपुर च अग्ग लग्गने दी इक घटना च 5 बच्चे सने 7 लोकें दी मौत होई गई ऐ। मकामी लोकें दस्सेया ऐ जे हादसा ओल्ले पेश आया जिसलै इक ट्रांसफार्मर थमां चिंगारी इक कच्चे मकान दी छते पर पेई। दो महिलाएं दी बी एहदे च मौत होई गई ऐ। मुखमंत्र नितीश कुमार होरें इस घटना पर दुख जातया ऐ।

<><><><><><>

IPL

ते हुन आई.पी.एल क्रिकेट।

अज्ज जयपुर दे सवाई मानसिंह स्टेडियम च राजस्थान रायल्स दा मकाबला गुजरात टाइटनस कन्नै होग। मैच संझा साङ्गे 7 बजे शुरू होग। एहदे शा पैहले कल रातीं चंणीगढ़ दे महाराजा यादवेंद्र सिंह इंटरनेशनल क्रिकेट स्टेडियम च सनराइजर्स हैदराबाद नै इक दिलचस्प मकाबले च पंजाब किंग्स गी 2 रन्ज कन्नै हराई दिता हा।

<><><><><><>